

續
文
獻
通
考

續文獻通考卷之五十八

皇明進士雲間王圻纂輯

學校考

聖裔

舊考雖載世次
詳故重述于左

封爵

聖裔 附四氏裔

孔子周靈王二十年己酉當魯襄公二十一年十月庚子
生年三十三適周明年魯亂適齊年四十三自齊反魯
年五十二當魯定公十九年爲中都宰遷司空又遷大
司寇明年會夾谷二十二年墮三都二十四年攝行相
事誅少正卯齊人歸女樂季桓子受之三日不朝孔子
行遂適衛年五十七明年過宋適鄭遂至陳居三歲去
陳適衛衛不用將西見趙簡子臨河不濟自衛復如陳

時魯定公二十七年也哀公四年孔子自陳之蔡明年如葉又還蔡六年有陳蔡之厄楚昭王迎之得免昭王卒孔子自楚反衛年六十四哀公十一年魯以幣召孔子歸而刪詩定書繫易年六十九哀公十四年魯西狩獲麟乃因史記修春秋至獲麟而止哀公十六年孔子卒年七十四其先宋人也周成王封微子啓于宋以奉湯祀啓弟仲衍生宋公稽稽生丁公申申生愍公共共生弗父何自何而下世爲宋大夫何生宋父周周生世父勝勝生正考父正考父生孔父嘉其後奔魯遂爲魯人嘉生木金父木金父生畢夷父畢夷父生孔防叔防叔生伯夏伯夏生紇字叔梁爲陬邑大夫娶顏氏女微

在禱於尼丘生孔子因名丘字仲尼

生時五老降庭二龍遶室其相貌手

握天文足履度字眉二十八采穎類阜陶有類子產腰大十圍自腰以下不及禹三寸

二代鯉字伯魚孔子之子學通儒術魯哀公以幣召之稱疾不行年五十先孔子卒 忠孔子兄之子在七十子之列

三代伋鯉之子字子思對孔子以其父析薪其子弗克負荷是謂不肖孔子忻然曰其克昌乎對魯穆公以除非法之事行周公伯禽之政不能用乃適衛嘗言當我先君周制雖衰君臣正位上下相持若一體然夫欲行其道不執禮以求之則不能入也今諸侯力爭競招英雄以自輔翼伋於此時不自高人將下我不自貴人將賤

我時移世異各有宜也於是在衛緼袍無表三旬九食
著書四十七篇曰中庸教授弟子孟軻之徒數百人年
六十二

四代白伋子字子嘗請所習於子思 子思曰先人有訓
焉學必由聖故夫子之教必始於詩書而終于禮樂雜
說不與焉白通習群書又善兵法齊成王召白爲國相
年四十七

五代求白子字子家通習儒道有遯世之志楚召不仕年
四十五

六代箕求子字子京爲魏相年四十六

七代穿字子高箕子博學沉靜有遁世之志楚魏趙皆召

之不仕嘗折公孫龍白馬非馬之論著儒家語十二篇

名調音年五十一

八代謙史記世家作慎字子順又名斌魏安釐王迎以爲相改嬖寵之官以事賢才奪無任之祿以賜有功諸失職者謗之九月致仕曰不出十年天下其盡爲秦乎秦莊襄王召之不行魏以孔子後封魯文信君年五十七三子鮒騰樹

九代鮒字子魚一字申該覽六藝秦并天下召爲魯國文通君拜少傅秦焚書乃歸藏書屋壁隱居嵩山陳涉起聘爲太傅仕六月言不用退卒于陳年五十七著孔叢子 騰字子襄長九尺六寸漢高帝祠孔子封爲奉嗣

君亦嘗爲惠帝博士遷長沙太傅年五十七生子忠

樹字子文

十代忠字子貞騰子有高志爲博士年五十七生武及安
國家語以爲子襄生季中季中生武及安國 趙字元

路鮒子 聚字子產樹之子以將軍破楚垓下封蓼平

侯年五十三謚夷

一統志孔子十世孫孔貞該習古今
有高尚志徵爲博士封褒成侯疑即

孔忠也蓋以字爲名耳
然不云封褒成侯何也

十一代武字子威爲漢文帝博士仕至臨淮太守早卒

安國字子國武帝博士仕至太守訓註經籍 臧聚之

子嗣蓼平侯歷位九卿遷御史大夫辭乞爲太常典臣

傳家業

十二代延年字無考博覽群書漢武帝時爲博士轉少傅
又遷大將軍年七十一 邛安國子傳家特善詩禮
琳臧之子嗣蓼平侯亦傳家業

十三代霸字次孺幼有奇才漢昭帝時爲博士宣帝時爲
太中大夫選任皇太子司經遷詹事爲高密相元帝即位
拜爵關內侯號褒成君奉夫子祀年七十二卒謚烈
驪邛子爲博士善春秋三傳 黃琳子坐事失侯
茂黃之弟大司徒光以其祖有功德而邑土廢絕復封
關內侯

十四代福霸之子襲封關內侯奉孔子祀卒年六十二
捷福之弟列校尉諸曹 喜捷弟列校尉諸曹 光喜

弟字子夏經學尤明歷輔成哀平三世王莽盛憂懼辭
位年七十卒 宣聚之元孫長安公士詔復其家 立

騅之子善詩書教授數百人 安鮒五代孫以殷後封

殷紹嘉公

光武時有孔安封殷紹嘉公恐尊行
爲何齊之叔而封在何齊之後也

十五代房福之子襲封關內侯 求光兄之子封寧鄉侯

放光之子歷侍郎嗣博山侯 元立之子爲校書郎

與楊稚友善 何齊吉之子封宋公

十六代均房子字長平初名莽避王莽改今名好學有大
才襲封關內侯平帝更封魯國褒成侯追謚夫子爲褒
成宣尼公王莽篡位拜太尉辭疾還鄉年八十一 奮
捷之孫通左氏春秋光武時守姑臧長賜爵關內侯後

拜武都太守 奇奮之弟著左氏義詁 子建元之子
不仕莽朝關里荆棘自除 尚霸之曾孫鉅鹿太守

十七代志均子漢光武拜大司馬上幸魯祠孔子封褒成
侯卒謚元成 嘉奮之子城門校尉作左氏說 仁子

建子

十八代損志子字君益漢明帝時襲封褒成侯和帝時徙
封褒亭侯

十九代曜損子字君曜襲褒亭侯 宙霸六世孫太山都
尉

二十代完曜子襲褒亭侯早亡無子以母弟讚之子美襲
封 昱霸七世孫漢靈帝徵拜議郎補洛陽令自霸至

是爵位相係卿相牧守五十三人列侯七人 褒宙子
爲藏張儉而死 融宙次子初爲北海相漢獻帝徵爲
將作大匠大中大夫每譏誚曹操爲所害

二十一代羨字子餘魏文帝黃初元年拜議郎封宗聖侯
二十二代震羨子字伯起晉武帝泰始三年改封奉聖亭
侯拜太常卿黃門侍郎 衍少好學年十二能通詩書
晉元帝引爲安東參軍 潛後漢太子少傅避地會稽

遂爲郡人 孟從王肅學

二十三代嶷震子字功成晉襲封奉聖亭侯 啓衍之子

廬陵太守 竺潛之子吳南昌太守

晉史作豫章太守

二十四代撫嶷子晉舉孝廉辟太尉掾襲封奉聖亭侯爲

豫章太守 恬竺長子吳侍中選部尚書晉湘東太守

冲竺次子丹陽太守 奕竺少子全椒令有惠化

二十五代懿撫子晉襲封奉聖亭侯 愉恬長子晉左僕

射 侃冲子大司農 倫奕子黃門郎註儀禮一卷

群倫弟少知名晉御史中丞 祇愉弟爲太守周札功

曹札爲沈充所害祇冒刃收其喪

二十六代鮮懿子字鮮之恢廓有大度好學善誘誨宋文帝時襲奉聖亭侯後改封崇聖侯 閭愉子建安太守

汪愉少子廣州刺史 安國愉幼子晉左僕射舊譜

避漢博士諱安國但云名國 坦侃之子晉散騎常侍

封晉陵男有集五卷 嚴倫子領尚書有集五卷

二十七代乘鮮子字敬山博學有才魏舉孝廉封崇聖侯

晉閭子尚書令 靜閭次子宋侍中 侯汪子江夏

太守 混坦之子嗣晉陵男爵 道民嚴之子宣城內

史 靖民嚴之子散騎常侍 福民嚴之子太子洗馬

道隆嚴子位至侍中 沉群之孫丞相掾

據史沉爲群子

二十八代靈珍乘子後魏封崇聖侯 祐晉子有至行

靈符靜之子會稽太守 靈運靜之子著作郎 幼侯

之子 靈產道隆子光祿大夫 厥沉之子廷尉光祿

大夫 景偉安國孫齊散騎常侍

二十九代文恭靈珍子襲封崇聖侯年五十八 道微祐

之子守志業不仕 珪靈產子齊散騎常侍 湛之靈

符子 深之靈符子宋比部郎 琇之靈運子宋江夏
內史有吏能 琳之廐子以草書擅名宋侍中御史中
丞有集十卷 璩之廐子楊州從事 滔景信子梁海
鹽令 遙之冲五世孫宋尚書左丞 靈龜楊七世孫
後魏國子博士

三十代渠文恭子襲封崇聖侯北齊文宣帝改封恭聖侯
後周靜帝進封孔子爲鄒國公立後因改封鄒國公

臻琇之子尚書三公郎 珮遙之子齊通直郎據史珮爲遙之

孫恐有悞 曄遙之子中書侍郎 士邈琳之子楊州中從

事 總道微兄之子有操行除竟陵王侍郎不至 岱

滔之子歷清要 碩靈龜子後魏南臺丞

三十一代長孫渠子襲封鄒國公 休源珮子梁都官尚

書有集十五卷 幼孫臻之子梁無錫令 虔孫臻子

覬士邈子宋御史中丞尋陽王右軍長史行會稽郡

事 道存士邈子南海太守 範岱之子博涉書史

得仁範從祖弟 安齊碩之子青州法曹 微覬從弟

三十二代嗣哲渠子隋文帝時應制登科襲封鄒國公

煬帝改爲紹聖侯 雲章休源長子揚州別駕 宗範

休源幼子陳中書黃門侍郎 與幼孫之子陳中書令

有集十五卷 長公覬之子 徵長公從父弟 頴達

八歲日記千餘言大業中舉明經高第仕至司業祭酒

常侍撰五經正義集五卷年七十五

三十三代德倫嗣愆子唐高祖改封褒聖侯 伯恭宗範
子陳散騎常侍 紹安與第五子唐中書舍人有集五
卷 紹新與之子以文學知名 紹忠與之子鄱陽東
曹掾 志玄頴達長子唐國子司業 志約頴達少子
禮部郎中 思政得仁孫端州刺史

三十四代崇基德倫子武后時襲封褒聖侯 德紹伯恭
子隋秘書省正字 稱紹安長子 楨紹安次子絳州
刺史 構紹安少子贈蒲州刺史 惠元志玄子國子
司業 頴達後三世爲司業 琮志約子洪州都督
圭志亮子

三十五代璿之崇基于字藏暉唐明皇時襲封褒聖侯開

元二十七年追謚孔子爲文宣王因改璵之爲文宣公

昌寓德紹子貞觀中對策高第爲膳部郎中 季詡

楨之子登制科終左補闕 若思構長子禮部侍郎

仲思若思弟給事中 立言惠元子黃州刺史 務本

頴達族孫滄洲東光令

三十六代萱璵之子襲封文宣公兼兗州泗水令 舜昌

寓子監察御史 至若思子著作郎明氏族學 如珪

務本子海州司戶

三十七代齊卿萱之子一作齊賢唐德宗時襲封文宣公

齊參舜之子寶鼎令 岑父如珪子著作佐郎 巢

父岑父弟仕至御史大夫陝華招討使

三十八代惟晤齊卿子唐憲宗元和十三年襲封文宣公
年六十五 惟昉齊卿子兗州叅軍 充符齊參長子
至孝隱嵩山 克讓齊參子 述睿齊參子德宗時拜
諫議大夫 載岑父長子貞元二十七年及第 幾岑
父子舉進士仕至禮部尚書年七十四韓愈銘其墓
威岑父子及第掌澤潞書記知盧從史必敗謝病歸
戢岑父子舉明經仕至京兆尹御史大夫 戢岑父幼
子

三十九代策明經及第襲封文宣公 敏行述睿子仕至
集賢學士 溫資太子少保 溫質幾長子四門博士
溫孺幾子明經 溫憲幾子明經 溫裕幾第四子

舉進士太平軍節度使 溫業戢長子第二人及第爲
吏部侍郎 溫諒戢之子

四十代振唐懿宗咸通四年狀元及第仕至刑部員外郎
襲封文宣公年七十四 極振之弟中和二年狀元及
第歷侍郎 郁極之弟 絢溫質子及第 綸溫質子
及第歷殿院 纁溫質子狀元及第 緯溫孺子狀元
及第相僖宗昭宗 緣明經及第 照及第 織戢之
孫 總戢之孫 緒溫裕之子阜令 續溫諒子
四十一代昭儉襲文宣公 述郁之子 昌明照之子第
七八及第 昌庶照之子及第爲虞部郎中 昌廣織
之子 昌弼緯之子及第仕至散騎常侍 昌鵬織之

子 邈第五人及第仕至諫議大夫 邁織之子乾符
令

四十二代光嗣泗水令陵廟主 莊昌庶子晉太常少卿
四十三代仁玉長七尺善六藝襲封文宣公後周高祖謁
祠廟令兼監察御史 承恭莊之子將作監

四十四代宜仁玉子字不疑幼聰悟宋乾德四年拜章闕
下自叙家門授曲阜縣主簿太宗命爲星子宰襲封文
宣公雍熙二年沒於邊年四十六 憲仁玉次子及第
工部侍郎致仕 勗仁玉少子勗子道輔知鄉郡在具
慶下侍立年八十九

四十五代延世宜長子字茂先魁梧大度宋真宗朝以長

葛令襲封文宣公賜束帛銀器及太宗御書并九經等
書卒年三十八 延澤宜次子及第贈諫議大夫 延
握宜幼子知集州清化縣 延之居江西新喻縣慶曆
間舉進士九遷至司封郎中平生惟與周敦頤曾鞏友
善 道輔勗長子及第仁宗朝以剛毅直諒聞天下知
諫院爲御史中丞請明肅皇太后歸政天子郭后廢伏
閤爭得罪後復召爲御史中丞出知鄆州道病卒 良
輔勗次子慷慨長於吏才至大理寺丞 彥輔勗少子
幼聰悟性至孝官至國子博士

四十六代聖祐延世子宋天禧五年以光祿寺丞襲封文
宣公年三十五卒無嗣以堂弟宗願承襲與聖祐共爲

一代宗愿者宜次子延澤子宇子莊博涉書史嘉祐中
用祖無擇之言改封爲衍聖公 舜亮道輔長子左中
散大夫致仕著粹籍 宗翰道輔次子刑部侍郎與兄
皆鎮廳及第 宗壽良輔長子承議郎 宗質良輔次
子仙源丞 漢英彥輔長子幼慧博覽 宗慤彥輔次
子 宗旦邕州司戶叅軍 旼隱居汝州父亡廬墓三
年卧破棺中日食米一溢壁間生紫芝數十本州以行
義聞特賜旌表按一統志作孔子四十六代孫 文仲
延世之長子嘉祐間舉進士哲宗時官中書舍人有文
集五十卷 武仲延世之次子嘉祐間舉進士累官禮
部尚書有雜文總百餘卷 平仲延世之季子治平間

舉進士累官金部郎中有續世說等書行世按一統志作孔子四十八世孫八疑六字之誤

四十七代若蒙宗愿子字公明襲封衍聖公宋元祐二年改封奉聖公坐事廢以弟若虛襲封 若虛字公實元符元年襲封豐熙間專主祀事不任他職大觀中復爲衍聖公 若愚宗愿子 若拙宗愿子及弟 若升舜亮子以朝散郎致仕 傳舜亮少子舊名若古博涉群書操行介潔建炎中興拜疏闕下叙家門舊典始寓居三衢於是孔氏有因仕而家于霅川新安臨川鄂渚者皆自此而分 傳知邠陝撫三州有政績自號杉溪進續白氏六帖文樞要紀書東家雜記杉溪集官至中散

大夫年七十五 恢朝散大夫 惇朝散大夫 忱文

林郎 恂奉議郎右宗翰四子 若涉若陟若訥若采若晦若

時右宗壽六子 若采迪功郎先是崇寧三年詔孔子後與親

屬一名判司簿尉孔宗哲死若采繼之 若谷若惠右宗

質二子 若盤漢英子 若鑑若初及第若師若冲若符若

鼎若玦右宗慈七子

四十八代端友若蒙子字子交宋崇寧三年襲封衍聖公

端友於建炎初偕叔父孔傳姪孔玠扈從高宗南渡寓

三衢終知柳州 玠端操第四子繼端友上賜玠田五

頃供祀權以衢州學爲祠堂玠生摺摺生文遠文遠生

萬春萬春生洙俱宋襲封於衢至元始罷封 端操端

燕皆端友弟 端本端裕端民皆若虛子 端弼端雅

端稟端立皆若愚子 端中端申皆若拙子 端節朝

散大夫 端夫端義端臣端智端直端慤皆若升子

端朝若升子爲若谷後宣和四年始以幸學賜第仕至

臨江軍 端問仕至奉新丞著沂川集 端守端已侍

杉溪渡江歷官五十年介潔不阿年八十一 端位常

德府錄參 端植武康丞端隱江陵蔡樵皆傳之子

松恢之子宣義郎 淵將仕郎與潛皆惇之子堯忱之

子承議郎 端言端行端拱皆若訥子 端甫以金党

懷英薦特賜及第除將仕郎小學教授

見選舉門

四十九代玠紹興二年襲封衍聖公 玠瑋玠皆端操子

行可璩皆端已子俱以學行稱皆奉祠壽俱八十

璋端位子奉祠年九十 瑒玲瑞琤琤植之五子

右南派

四十九代璿字文老端操子廢齊阜昌二年襲衍聖公金

天眷三年復封卒年三十八

右北派

五十代璿玠子襲封衍聖公 珪瓊瑤 瓚知和州 玠

璿琇 璩蘭溪簿 璩左藏庫 璩迪功郎 璩迪功

郎 璩簿尉 璩從事郎 璩漳州

缺

璩迪功郎

璩迪功郎浙江帥叅牧 持天富場 按將仕郎 拂

璩撫掖哲擇揆搏抑 璩迪功郎 撫掾括 元龍好

學從真西山游進書充柯山精舍山長 從雲聖時總

揆援 拱篤學有文集 搏役之捷揮灑名從玉旁者

恐皆爲玠之兄弟非玠之子姪也今皆列于五十代中
必有差謬姑存其疑

五十代拯璠子字元濟金皇統二年方七歲襲封衍聖公
加文林郎尋卒年二十八無子以弟總繼總字元會金

大定三年襲封衍聖公卒年五十三

北派

五十一代文遠襲封衍聖公歷吉州隆興府通判 文述

文邁防護鄉井補官 文逸博學 文迥文邁文適文

懋文郁文恭文遜文志文澄應選應發同鄉舉出官

文滋文通文達 應得元龍之子淳祐元年臨雍賜第

守台州有德政 應符應僖應祥 文模登寶祐元年

第知湘潭 文進文適文振文敏鄉舉 文質文彬

南派

五十一代元措摠之子字夢得金昌明二年襲封天興間
金歸附于元仍舊襲封無子以姪之庶子須嗣爵亦無
子以從祖元孝弟元用襲封元用字俊卿宋寶慶元年
襲封年五十三

比派

五十二代萬春襲封衍聖公 萬齡肇慶府推官 萬鈞

萬鎰皆文遂子 萬程萬里萬頃皆文邁子 萬榮萬

崇文逸子 萬善萬古萬嘉文迥子 德祖嗣祖文邁

子和孫監試文志子 萬祐萬全隆孫萬石萬裕萬

中延詠謨言詔諤甥萬憲萬東萬同萬有孔子嫡派許

赴國子監試始于淳祐十二年七月蔡察院奏請

補派

五十二代之厚元孝子也贈魯郡侯自元措傳襲以來嫡

長乃元孝元孝生之厚之厚生浣三世讓衍聖公爵不
取誠至德也之全字工叔元乙酉父元用從太師國王
征益都權襲封衍聖公癸巳年元用自汴還東平仍襲
封之全止充曲阜令壬子年權授襲封衍聖公降印信
燕曲阜令卒年五十一生子治北派

五十三代洙襲封衍聖公常添差通判平江府 泗萬齡

子 沂萬程子 演瀾淵津言之四子 敬山不知所

生至大中充涇江書院山長世其職南派

五十三代浣字自新追封魯郡侯生思晦 治字世安元

壬子年代父充曲阜令權主祀事貞元中襲封衍聖公

生子思誠

右闕里譜系元豐八年四十六代孫宗翰始以舊譜錄板紹興二年四十八代孫端朝逃虜難南奔平生所資皆失之獨此譜山中人得之轉以見歸因爲序錄紹興五年洪興祖守廣德軍刊於郡齋景定三年五十一代孫應得令台州太守時差添廣德軍判又附入紹興五年以後至景定三年云

自五十四代以後罷衢州襲封

五十四代思晦字明道按宗譜先宗愿生若愚若愚生端立端立生琥琥生拂拂生元孝元孝生之厚之厚生浣浣生思晦元仁宗延祐三年襲封衍聖公鑄四品印泰定四年改從三品印卒年六十七謚文肅生子克堅

五代時孔末之後欲以僞亂真宜聖子孫被其殘害幾盡至是其裔復欲冒稱宣後思晦以爲不早辨則真僞久益不可明彼與我不共戴天乃列于族與其拜殿庶可乎遂會族人稽故典斥之既又重刻宗譜於石而孔氏族裔益明矣

五十五代克堅字璟夫元至元六年襲封衍聖公賜秩二品改授銀章二十八年我太祖詔入朝待以賓禮洪武三年卒年五十五子九人長希學

五十六代希學字士行元順帝至正六年襲封衍聖公洪武元年仍令襲封卒年四十七

五十七代訥字言伯元順帝年襲封衍聖公洪武癸未

丁父憂丙寅受 誥仍襲封庚辰卒年四十三

宋元聖裔

宋

理宗寶慶元年克平山東以孔子五十一世孫元用權襲

封衍聖公仙源令二年改濟州通判兼京東西路安撫

使主管機宜文字

時嫡孫元楷從金宣宗遷汴

元

太祖時木華黎統諸道兵至山東承制封拜以元用權襲

封衍聖公世襲曲阜令給降衍聖公印 又贈孔子五

十二代孫之厚亞中大夫濟寧路總管輕車都尉魯郡

侯 乙酉年元用從木華黎征益都以其子之全權襲

封衍聖公曲阜令

太宗癸巳年元措自汴還仍襲封衍聖公之全止充曲阜令

憲宗壬子年宜差之全東平路行軍萬戶總管管民掌官
依奉牙魯花赤衆斷事言語權襲封衍聖公降到印信
兼曲阜令 是年又贈五十三代孫浣中議大夫太常
禮儀院同僉上騎都尉追封東平郡伯再贈通議大夫
禮部尚書上輕車都尉追封魯侯 又令五十三代孫
治補父之全缺充曲阜管民長官

世祖中統元年改治曲阜令四年令權祀事 至元十三
年授治承事郎曲阜令兼管諸學與醫仍權祀事 二

十三年授治奉訓大夫單州防禦使二十九年又授奉直大夫密州知州

成宗元貞元年治赴闕朝見特授中議大夫襲封衍聖公爵一品散官四品給四品俸

仁宗延祐二年勅中書省定議孔子五十三代孫當襲封衍聖公者以名聞三年授五十四代孫思晦中議大夫襲封衍聖公

泰定帝泰定四年改思晦嘉議大夫

文宗至順二年改鑄三品印與思晦卒贈通議大夫河南河北等處行中書省叅知政事護軍追封魯郡公謚文肅

順帝至元六年授五十五代孫克堅嘉議大夫襲封衍聖公
公至正六年以五十六代孫希學襲封衍聖公
八年制授克堅中奉大夫易以銀章十四年徵克堅爲
同知太常禮儀院事遂拜治書侍御史辭歸追拜山東
廉訪使受詔復辭歸會山東亂北行抵萊城召入爲集
賢直學士十九年遷克堅禮部尚書出爲西臺侍御
史復召拜國子祭酒謝病歸又起爲集賢學士元亡與
子希學受恩太祖尤厚

皇明聖裔

第五十五代克堅字景夫思晦子後至元元年襲封衍聖
公六年進階中奉大夫從二品賜銀印召爲同知太常

禮儀院以子希學襲公爵拜中臺治書侍御史改山東
道肅政廉訪使起爲集賢直學士改禮部尚書知貢舉
遷陝西行臺侍御史改國子祭酒謝病歸召爲資善大
夫集賢學士再起山東廉訪使俱不赴 洪武元年召
至京師待以賓禮而不名俾食公祿不視事卒年五十
五

第五十六代希學字士行克堅子後至元十五年克堅拜
同知太常禮儀院以希學襲爵兼秘書卿洪武元年

詔襲封改 賜階資善大夫正二品別給銀印每入朝
班亞上相予 誥還其祭田備禮器樂器樂舞置屬官
管勾典籍司樂各一員每至京中使慰勞館饋殊等卒

年四十七 賜祭

第五十七代訥字言伯希學子洪武十七年襲封衍聖公
詔不稱資善大夫以王軸 誥文給之時革丞相每
入朝令列文臣首 賜一品金織衣 誥命白玉軸每
入 觀給符乘傳庚辰卒年四十三 賜祭

第五十八代鑑字昭文訥子洪武三十三年襲封衍聖公
又明年卒年二十三 文皇帝遣使致祭

第五十九代彥縉字朝文鑑子十歲襲封衍聖公每入
朝仍列文臣首洪熙元年 賜第東安門北 景皇帝
視學召入觀禮 賜金箱犀帶大紅鶴袍三年來朝後
賜三臺銀印織金麒麟服白玉束帶卒年五十五

諭祭治喪葬賻卹優厚

第六十代承慶字永祚先卒年三十一後追封衍聖公

第六十一代弘緒字以敬承慶長子景泰六年年八歲襲封衍聖公 賜鶴袍玉帶如例以其軀小去二膀俾藏之以爲榮又範金爲圖書以 賜之其文曰謹禮崇德天順元年入 朝見便殿 上握手置膝上改 賜大第成化中坐奸淫殺人法當斬 詔以宣聖故削爵爲民弘治中復冠帶卒年五十七

第六十一代弘泰字以和承慶次子成化十七年代兄弘緒封衍聖公 憲宗朝加先聖廟祭禮樂 孝廟初幸太學俱 詔入觀禮 賜襲冠帶如例又改 賜第於

慶壽寺之北卒年五十有四 賜諭祭者五工部官屬

治葬

第六十二代聞韶字知德弘緒子也弘泰卒法當聞韶襲以弘治十六年封衍聖公 上賜麒麟服白玉帶黃金盆正德年 幸太學召入觀禮 賜宴冠服靴帶寶鈔如故事嘉靖初 上兩幸太學召 賜亦如之卒年六十有五 賜祭葬加禮

第六十三代貞幹字用濟聞韶子嘉靖二十五年襲封衍聖公 賜勅約束其宗人以入 朝卒年三十有八 上命禮部尚書 賜祭凡九工部治葬行人 第六十四代尚賢字象之貞幹子嘉靖三十五年以父貞

幹卒京師郎 命襲爵時方穉齒 勅山東撫按諭其族人謹視之不爾治以重罪

第六十五代胤椿尚賢子隆慶元年吏部覆郭諫臣奏衍聖公或遇親喪仍令守制其襲封一事所司代爲奏請令其守護印信候服滿起送承襲服內免其入賀

聖裔居溫考

按宋淳祐中于溫之府城西南建永嘉書院中奉宣聖燕居像而孔裔居溫不知所自舊考自檜始檜子奕奕子源源子實實子會會子公志公志子師古師古子炳炳子貴敬貴敬子潼孫潼孫子文升至 洪武中平陽孔克表以博學篤行薦爲翰林修撰則孔子五十五世

孫也

曲阜世尹考

皇明崇厚孔裔極其優渥在曲阜者襲封衍聖公之外復世襲曲阜縣令一人以約束其宗人正德中復以六十二代孫聞禮爲翰林五經博士世襲以奉子思後在衢州者復官其長嫡一人世襲五經博士然皆不使治事蓋不欲以吏議繩聖人之後 本朝之崇聖裔過先朝遠矣

按世尹以衍聖公兼者唐文宣公萱兼泗水令昭倫兼曲阜令後唐仁玉兼曲阜令宋延世兼曲阜令聖信兼知仙源縣事金衍聖公總兼知曲阜縣事元椿兼世襲

曲阜令元用兼仙源令份宋選授元仍兼曲阜令

專授者宋四十四代勗曲阜令四十五代道輔四十六代宋楨四十五代彥輔四十六代宗翰四十六代舜亮四十六代宗壽俱知仙源縣令五十五代克昌五十四代宗愿俱曲阜令元五十三代濟五十三代治五十四代思凱五十四代思誠五十五代克欽五十六代希章俱曲阜尹

國朝五十六代希範五十五代克中五十八代公鏜五十七代澳五十八代公錫五十八代燮五十六代希永五十九代彥士六十代承泗六十代承夏五十八代公統六十代承震五十八代公珏五十八代公澤六十代承

業六十一代弘廊六十代承厚六十一代弘復俱曲阜
縣知縣內燹陞兗州府通判弘復陞濟寧州知州俱仍
領縣事希大克伸克當希範克中公鏜領勅

五經博士考

皇明正德中以孔子六十二代孫聞禮爲翰林院五經博
士奉子思後聞禮卒弟聞詩代聞詩卒聞韶之子貞寧
代弘治中以衢州長嫡一人世襲五經博士萬曆
二十二年十月吏部奏覆衍聖公次于孔胤桂授五經
博士

顏子生歆歆生儉儉生威俱魯大夫威生萑萑生億億生
咭俱下大夫咭生卸秦大夫卸生舉舍人舉生產項羽

聘之不受產生異漢大夫異生愚卿士愚生遠大夫遠
生絳一作肆書傳作駟武帝時尚書郎絳生來一作忠
鞏令衆生凱張禹薦於朝凱生遠郡上計吏遠生俞州
舉茂才俞生綽綽生準始仕爲從事復高尚不仕準生
阮舉有道不起阮生亮郡功曹亮生敷州舉茂才二子
斐盛斐京兆尹有善政二子魯歡無傳盛漢尚書郎魏
關內侯始自魯國徙居瑯琊臨沂盛生欽明詩禮易尚
書多所通說學者宗之爵葛繹縣子謚曰貞欽生默襲
葛繹縣子三子畿輦舍長次無傳舍歷官光祿勳晉成
帝美其素行加右光祿大夫致仕謚曰靖舍生髦惇於
學行襲爵西平縣侯加秩光祿勳謚曰定髦生絳州西

散騎都尉西平縣侯緄生靖之御史中丞靖之生騰之
善草隸書有風格歷巴陵太守二子興之炳之興之安
寧太守生子登梁鄱陽王府郎中令無傳炳之歷奉朝
請員外散騎常侍生子見遠博學有志行正色立朝高
祖受禪不食發憤痛哭而絕武帝恨之曰我自應天從
人何預天下人事而顏見遠乃至如此歷治書御史兼
中丞兄遠生協湘東王右常侍領西記室撰晉仙傳日
月災異圖文集等書事具梁書生子之儀之奇之推之
儀周同麟趾學士御正大夫平陽縣公隋文輔政不署
矯詔索璽書又拒之出爲集州刺史新野縣公事具周
書二子冠和無傳弟之奇亦無傳次弟之璽隋太子文

學著家訓二十篇寃魂志三卷證俗音字五卷文集三十卷事具本傳之推生思魯博學善屬文尤工訓詁嘗與劉臻議論經義臻屈服焉唐拜儀同秦府記室思魯生師古太宗卽位拜中書侍郎琅瑯男遷秘書少監奉詔校定經史修五禮成進爵子終秘書銀青光祿大夫弘文崇文兩館大學士從征遼道卒謚曰戴師古生趙庭吉州刺史趙庭生尚賓下邳令尚賓生鼎生迢迢生傳贊傳贊生曼曼三子長君則無傳次君佐君雅君佐金鄉丞子文威五代時隱魯之嶧山號虛中先生文集傳於世文威生承祐承祐二子長崇德無傳次仲昌宋太宗淳化二年講五經賜第仕終南京判官仲昌生

太初南京國子監說書號見嶧先生文集傳于世太初
生復東魯名儒嘗爲國子監直講出爲臨晉簿嘉祐中
訪有道儒士京東部使者以復應試命爲校書郎知永
康縣擢太常博士乞詔禮官考正祀典遷吏部員外郎
時孔宗翰乞尊奉孔子祠復因上五議一曰專其祠享
二曰優其田祿三曰復其廟幹四曰司其法則五曰訓
其子孫朝廷多從之元祐中爲起居郎兼侍講以天章
閣待制充國子祭酒卒以次子岐執政贈太師生六子
嶢岐嶠嶠嶠嶠承務郎此支自嶢以下建炎時俱南
徙而君雅一支世居陋巷故宅君雅二子文蘊文鐸文
蘊生涉父子鄉貢進士涉四子俱無傳文鐸生行戶部

尚書行生裡裡生端端生繼進士繼生昌昌生擎擎生
价价生順順生實實生椿椿生之美元東明縣尹之美
生池三氏學教授池生拳拳生希仁希仁生議

皇明成化中授翰林院五經博士世襲初景泰二年授希
惠翰林院五經博士後以不係嫡派罷黜至是授議議
生公鉉鉉生重德重德生從祖從祖無傳以重禮長子
聲先嗣俱襲職重禮未詳所出聲先生嗣慎隆慶六年
正月襲

魯子生元申華三子皆賢公行子之子燕遇元于道曰燕
君何如元曰志卑志卑者輕物輕物者不求助苟不求
助何能舉氏羗之虜也不憂其係也而憂其不焚也利

夫秋毫嘗靡國家然且爲之幾爲知計哉元生西與或
人問答之言見孟子西生欽欽生尋尋生羨羨生遐遐
生偉偉生樂前漢封都鄉侯樂生琬琬生旃旃生嘉嘉
生寶寶生琰琰生攄漢末王莽篡逆耻仕遷豫章廬陵
郡之吉陽鄉即今吉安府永豐縣遷鶯鄉地名睦坡也
攄生闡闡生植植生燿燿生培培生德德生珣珣生渙
渙生梓梓生總總生端端生鉉鉉生海海生橫橫生興
興生隆隆生鈞鈞生謀謀生丞丞生珪珪生寬寬生莊
莊生慶慶生禕駢禕生輝輝生四子崇崇崇德崇鄴崇
禎三子之後流離無踪惟崇德傳三代孫中行徙居古
巷五代孫朝陽仍居睦坡次孫載陽徙居新陂是爲龍

潭之祖傳十二代孫晞顏宋末爲監察御史生雷順德
裕巽申並仕元雷順爲萬載縣尹德裕爲翰林直學士
巽申爲應奉翰林文字德裕嘗建武城書院于龍潭地
方自推賢者一人主領教事置有祭田百畝吳文正公
澄爲記德裕曾孫是爲 國朝學士祭副使鼎傳生見
充永豐縣學生員高袞兄弟等駢生耀遷居木塘耀生
崇範唐拜太子洗馬東宮使崇範生延膺延膺生碩碩
生承昌承昌生萬敵萬敵生公整公整生九思九思生
文傑文傑生好古好古生尚忠尚忠生敬甫敬甫生元
德元德生价翁价翁生汝霖汝霖生崇文崇文生利賓
利賓生輔世輔佐輔志輔志生德甯甯氏題疏云利賓

生輔智輔智生德胄與充志異德胄生奮用奮用生質粹

皇明正德間山東僉事錢宏訪得曾子之後一人於嘉祥深山中未請於朝後竟湮沒嘉靖十二年吏部侍郎顧鼎臣奏准訪求曾氏嫡派得高充兄弟以生長南方不樂北徙惟質粹肯行後授質粹翰林院五經博士世襲

孟子生罍字仲子受學於公孫丑著書論詩毛萇詩傳中嘗引其語云趙岐註以仲子爲孟子之從昆弟朱子亦以爲第三遷志以仲子爲子罍爲孫未知孰是罍生寓寓生舒漢高祖九年爲雲中太守愛士卒士卒戰死者

數百人田叔稱爲天下長者文帝曰賢哉孟舒復召守
雲中舒生之後之後生昭博覽經史爲博士昭生但受
易王同武帝時爲太子門大夫但生卿授經后蒼疏廣
世傳后氏禮疏氏春秋皆本於卿卿生喜從田王孫受
易故有孟氏易傳於世宣帝時舉孝廉拜爲郎遷曲臺
署長喜生鎡鎡生興爲尚書興生嘗舉茂才拜徐令遷
合浦太守有去思桓帝時楊喬薦之竟不受嘗生展展
生穢靈帝時爲太常後爲太尉穢生敏博學能文靈帝
時三公俱辟並不屈敏生光無書不覽昭烈定蜀拜議
郎後主踐祚累遷大司農光生康魏明帝時爲散騎侍
郎後轉爲監封廣陵亭侯註漢書康生宗避吳主皓字

改諱仁性至孝母老病篤冬月思笋食宗泣竹笋生作
羹食母病即愈寶鼎中爲司空宗生揖晉惠帝朝爲廬
陵太守揖生觀解天文爲殿中郎觀生嘉性冲默有遠
量成帝時舉秀才爲大將軍桓温叅軍温重之穆帝時
以脚疾不仕詔使扶入見之其優禮如此嘉生懷王從
宋武帝定建業以功封鄱陽縣五等侯後封陽豐縣男
位江州刺史南中郎懷王生表仕齊爲馬頭太守元魏
孝文帝時據郡歸魏賜爵譙縣侯後封汶陽縣伯歷濟
州刺史謚曰恭表生斌爲右丞斌生威閔帝除大鴻臚
卿威生恂恂生儒儒生景事隋煬帝爲鷹揚郎將景生
善誼恭帝時爲河內通守善誼生誼唐中宗朝擢進士

後拜同州刺史致仕睿宗召之以老固辭有食料本草傳于世詵生大融大融生浩然少好節義喜賑人患難玄宗召問其詩浩然自誦所作詩至不才明主棄上曰卿自不求仕朕未嘗棄卿奈何誣朕因放還浩然生雲卿肅宗朝爲校書郎雲卿生郊以詩鳴於世年五十得進士第憲宗朝鄭餘慶鎮興元奏爲茶謀卒謚曰貞曜先生郊生韋譙爲侍御史安州防禦兵馬使韋譙生遵慶遵慶生瑄元和末召不仕瑄生方立僖宗朝爲昭義節度留守方立生承誨事後晉少帝爲太府卿承誨生漢卿事後周世宗爲左羽林大將軍漢卿生貫工詩貫生昶昶生公齊公齊生寧宋仁宗景祐四年孔道輔守

兗州訪孟子後得寧後薦於朝授鄒縣主簿寧生堅德
學俱優特授徐州知州堅生寬寬生欽欽生津津生德
義元進士授魚臺縣尹辭秩德義生允祖允祖生惟恭
惟恭生之訓莒州學正之訓生思諒鄒縣主簿思諒生
克仁克仁生希文

皇明景泰二年授翰林院五經博士世襲希文生元元生
公肇事繼母孔以孝聞公肇致仕弟公縈襲自孟子至
公縈兗州府志稱五十七代三遷志稱五十八代 萬
曆二十九年翰林五經博士孟彥璞卒以子孟承光襲
朱子婺源人生子三塾塾在皆以廕補官在紹定中爲吏
部侍郎朱子平生所爲文皆其類以塾生鑑湖廣總領

隨季父在由建寧遷居建安之紫霞洲鑑生浚官至右
文殿修撰兩浙轉運使丙子元兵至福安州浚不屈死
之生子林元其肅儒學提舉林生炯炯延平府照磨炯
生堅堅生鎔鎔生泮泮武平縣主簿生子堂堂生鑾鑾
生淞淞生挺

皇明景泰壬申

詔授翰林院五經博士世襲以奉祀事

挺生燉燉生學以上世居建安嘉靖三十七年婺源子
孫請乞如建安例於是復以守婺源祠十一世孫墅廕
錄博士萬曆二十四年十二月禮部覆宋儒朱熹十
三代孫朱德洪銓註翰林五經博士職銜回籍奉祀

聖賢封爵

魯哀公十六年夏誅孔子曰尼父 漢平帝元始元年
追謚爲褒成宣尼公 和帝永元四年封褒尊侯 後
魏太和十六年改謚爲文聖尼父 後周大象二年詔
封爲鄒國公 隋文帝贈先師尼父 唐太宗貞觀二
年升爲先聖十一年詔尊爲宣父 高宗乾封元年追
贈爲太師 武后天授元年追封爲隆國公 玄宗開
元二十七年追謚爲文宣王 宋真宗大中祥符元年
詔加謚爲玄聖文宣王 五年以玄字犯聖祖諱改謚
爲至聖文宣王 元武宗大德十一年詔加封爲大成
至聖文宣王

皇明謚號俱仍元舊至 嘉靖中始改稱 至聖先師孔

子

配享四賢封爵

顏子 唐高宗總章元年詔贈太子少師 睿宗太極元年加贈太子太師配享孔子廟 玄宗開元二十七年贈兗國公 宋真宗大中祥符二年封兗國公 元文宗至順二年加贈復聖公

曾子 唐總章元年詔贈太子少師 睿宗太極元年加贈太子太保配享孔子廟 玄宗開元二十七年贈郕伯 宋真宗大中祥符二年封瑕丘侯政和元年以丘字犯 先聖名改封武成侯增封成侯 咸淳三年升郕國公配食大殿 元文宗至順二年加贈宗聖公位

次顏子

子思 宋徽宗崇寧元年封沂水侯 度宗咸淳二年升封沂國公配食大殿 元文宗至順二年加贈述聖公孟子 宋元豐六年追封鄒國公 七年詔配享先聖位次堯國公下元文宗至順二年加贈亞聖公

宋初顏孟配享並列于先聖左後升曾子子思又並列先聖左而虛其右不以相向太學博士陸鵬升嘗云初制顏孟配享左顏而右孟熙豐新經盛行以王安石爲聖人歿而躋之配享位顏子下故左則顏子及安石右則孟子未幾安石壻蔡卞當國謂安石不宜在孟子下遷安石於右與顏子對而移孟子位第三次顏子之下

遂左列顏孟而右列安石又未幾蔡卞再欲升安石壓
顏子漸次而升爲代先聖張本優人李氏以藝諫殿下
託一大言之士戲薄先聖顏子出爭之不勝子貢出爭
之不勝子路出而盛氣爭之又不勝公冶長旁視無言
子路乃擊其首而叱之曰汝何不一力爭且看他人家
女壻蓋蔡卞安石壻而公冶長先聖壻也蔡卞聞之遂
不敢進安石于顏子上顏孟左而安石右遂爲定制南
渡後安石罷配享宜遷孟子以對顏子如舊制議者失
於討論故安石既去其右遂虛而顏孟並列於左岳珂
嘗記其事後增曾子子思又並列於左亦未有討論至
我朝而分列始定

皇明國初四配封爵俱仍元舊至嘉靖中始改爲復聖
顏子宗聖曾子述聖子思子亞聖孟子

從祀十哲封爵

東哲五位

費公閔損字子騫魯人唐元宗開元二十七年贈費侯宋
真宗大中祥符二年加封瑯琊公度宗咸淳三年改封
費公

薛公冉雍字仲弓伯牛之族唐贈薛侯宋真宗祥符二年
加封下邳公度宗咸淳三年改封薛公

黎公端木賜字子貢衛人唐贈黎侯宋真宗大中祥符二
年加封黎陽公度宗咸淳三年改封黎公

衛公仲由字子路汴人唐贈衛侯宋真宗祥符二年加封河內侯度宗咸淳三年改封衛公

魏公卜商字子夏衛人唐贈魏侯宋真宗大中祥符二年加封河東公度宗咸淳三年改封魏公

西哲五位

鄆公冉耕字伯牛魯人唐贈魯侯一作鄆侯宋真宗大中祥符二年加封東平侯度宗咸淳三年改封鄆公

齊公宰予字子我魯人唐贈齊侯宋真宗大中祥符二年加封臨淄公度宗咸淳三年改封齊公

徐公冉求字子有仲弓之族唐贈徐侯宋真宗大中祥符二年加封彭城公度宗咸淳三年改封徐公

吳公言偃字子游吳人唐贈吳侯宋真宗大中祥符二年
加封丹陽公度宗咸淳三年改封吳公

陳公顥孫師字子張陳人唐贈陳伯宋真宗大中祥符二
年加封宛丘伯度宗咸淳三年改封陳公升十哲位

皇明十哲封爵俱仍元舊至嘉靖中始改爲先賢某子

從祀諸弟子封爵

唐開元二十七年詔贈會參郎伯今升顥孫師陳伯今升

澹臺滅明江伯一宓子賤單伯二原憲原伯三公治長

莒伯四南宮适郊伯五公皙哀郕伯六曾點宿伯七顏

路杞伯八商瞿蒙伯九高柴共伯十漆雕開滕伯十一公

伯寮任伯十二司馬耕向伯十三樊遲凡伯十四有若卞伯十五

公西赤郛伯_六 巫馬期郛巫馬施郛伯_十 梁鱸梁伯_八

顏辛蕭伯_九 冉孺紀伯_十 曹卹曹伯_{二十} 伯虔鄆伯_十

二公孫龍黃伯_{三十} 冉季字子產東平伯_{四十} 秦商字

子南少梁伯_{五十} 漆雕哆字子歛武城伯_{六十} 顏高字

子驕瑯琊伯_{七十} 漆雕徒父須句伯_{八十} 壤駟赤北徵

伯_{九十} 商澤睢陽伯_{十三} 石作蜀成紀伯_{三十} 任不齊任

城伯_{三十} 公夏首元父伯_{三十} 公良孺東牟伯_{四十} 后

處營丘伯_{五十} 秦冉字子開彭衙伯_{六十} 奚容箴下邳

伯_{七十} 公肩定新田伯_{八十} 顏祖臨邑伯_{九十} 鄆單銅

鞮伯_{四十} 句井疆淇陽伯_{四十} 罕父黑乘丘伯_{四十} 秦祖

上洛伯_{三十} 申黨郛陵伯_{四十} 公祖句滋字子之期思

伯

四十

榮期寧婁伯

四十

縣成鉅野伯

四十

左人郢臨

淄伯

四十

燕伋漁陽伯

四十

鄭國榮陽伯

五十

顏之僕東

武伯

五十

原亢字子籍萊蕪伯

五十

樂欬居平伯

五十

三

庶潔莒父伯

五十

叔仲會瑕丘伯

五十

邾巽平陸伯

五十

十五

六顏何史記作顏輿

開陽伯

五十

狄黑臨濟伯

五十

孔

忠汶陽伯

五十

公西輿如重丘伯

六十

公西箴祝阿伯

六十

十六

一蘧瑗衛伯

六十

施之常乘氏伯

六十

秦非汧陽伯

六十

十六

四林放清河伯

六十

陳亢穎伯

六十

申棖魯伯

六十

琴

牢南陵伯

六十

顏噲朱虛伯

六十

步叔乘淳于伯

七十

十七

唐會要止於公西箴其蘧瑗以下九人以杜祐通典附

入

宋真宗大中祥符二年詔封 邱伯曾參瑕丘侯 陳伯

顓孫師究丘侯 江伯澹臺滅明金鄉侯 一單伯宓不

齊單父侯 二原伯原憲任城侯 三莒伯公冶長高密侯

四邾伯南宮适襲丘侯 五郕伯公皙襄北海侯 六宿伯

魯點萊蕪侯 七杞伯顏無繇曲阜侯 八蒙伯商瞿須昌

侯 九共伯高柴共城侯 十滕伯漆雕開平輿侯 十一任伯

公伯寮壽張侯 十二向伯司馬耕楚丘侯 十三凡伯樊須益

都侯 十四伯有若平陰侯 十五郕伯公西赤鉅野侯 十六鄆

伯巫馬施東阿侯 十七梁伯梁鱣千乘侯 十八蕭伯顏辛陽

穀侯 十九紀伯冉孺臨沂侯 二十曹伯曹卹上蔡侯 二十一鄆

伯伯虔沐陽侯 二十二黃伯公孫龍枝江侯 二十三東平伯

冉季諸城侯

四

少梁伯秦商鄆城侯

五

武城伯漆

雕哆濮陽侯

六

瑯琊伯顏高雷澤侯

七

須句伯漆

雕徒父高宛侯

八

北徵伯壤駟赤上邽侯

九

睢陽

伯商伯鄒平侯

十

成紀伯石作蜀成紀侯

十一

任城伯

任不齊當陽侯

十二

東平伯冉季諸城侯

十三

東牟伯

公良孺牟平侯

十四

彭衙伯秦冉新息侯

十五

下邳伯

奚容箴濟陽侯

十六

淇陽伯句井疆滏陽侯

十七

少梁

伯秦商鄆城侯

十八

邵陵伯申黨淄川侯

十九

期思伯

公祖句茲郎墨侯

二十

雩婁伯榮期厭次侯

二十一

鉅野

伯縣成武城侯

二十二

臨淄伯左人鄆南華侯

二十三

漁陽

伯燕伋汧源侯

二十四

滎陽伯鄭國响山侯

二十五

東武伯顏

之僕兜句侯

五十

開陽伯顏何棠邑侯

五十

瑕丘伯叔

仲會博平侯

五十

臨濟伯狄黑林慮侯

五十

平陸伯邽

異高堂侯

五十

汶陽伯孔忠鄆城侯

五十

重丘伯公西

輿如臨朐侯

六十

祝阿伯公西箴徐城侯

六十

衛伯遽瑗

內黃侯

六十

乘氏伯施常臨濮侯

六十

清河伯林放常

山侯

四十

汧陽伯秦非華亭侯

五十

潁伯陳亢南頓侯

六十

魯伯申棖文登侯

六十

南陵伯琴牢頓丘侯

六十

朱虛伯顏瞻濟陰侯

六十

淳于伯步叔乘博昌侯

七十

寧元年改封孔鯉爲泗水侯

大觀四年詔封公夏首鉅平侯

三十

后處膠東侯

三十

公肩定梁父侯

三十

顏祖富陽侯

四十

鄒單聊城侯

四十

罕父黑祈鄉侯 秦相馮翊侯 原亢樂平侯 樂劾

建城侯 蕪潔胙城侯 政和元年改從祀先聖封邑

者瑕丘侯魯參改武城侯 宛丘侯顓孫師改潁川侯

襲丘侯南宮适改汝陽侯 楚丘侯司馬耕改睢陽

侯 煩丘侯琴牢改平陽侯

皇明國初封爵俱仍元舊至 嘉靖中改稱先賢某子

從祀諸儒封爵

宋大中祥符三年詔封魯史左丘明瑕丘伯七十二政和改中都伯

齊人公羊高臨淄伯七十魯人穀梁赤襲丘伯改和改

伯睢陽 秦博士伏勝乘氏伯七十 漢博士高堂生萊蕪伯

七十 九江太守戴勝楚丘伯七十改 河間博士毛萇

樂壽伯七十淮南太守孔安國曲阜伯八十中壘校尉劉

向彭城伯八十後漢大司農鄭衆中牟伯八十河南杜

子春絃氏伯八十南郡太守馬融扶風伯八十中郎將

盧植良鄉伯八十大司農鄭康成高密伯八十九江大

守服虔滎陽伯八十侍中賈逵岐陽伯八十諫議大夫

何休任城伯九十魏將軍太常蘭陵侯王肅贈司空九十

尚書郎王弼偃師伯九十晉鎮南大將軍開府儀同三

司當陽侯杜預贈師徒九十豫章太守范甯新野伯九十

四

元豐七年詔荀况封蘭陵伯七十楊雄封成都伯八十韓

愈封昌黎伯九十

寶慶三年追贈太師朱熹爲信國公紹定二年改封徽國公

淳祐元年封周敦頤汝南伯九十張載郿伯百程顥河南

伯九十程頤伊陽伯八十並列從祀

景定二年封張栻華陽伯三百呂祖謙開封伯並列從祀

咸淳三年封邵雍新安伯九十司馬光改封鄴國公並列

從祀

皇明 國初諸儒封爵俱仍元舊至 嘉靖中改稱先儒

某子

續文獻通考卷之五十八終